



ს ა ქ ა რ თ ვ ე ლ ო
წყალტუბოს მუნიციპალიტეტის საკრებულო



განკარგულება:გ-49. 49252396

თარიღი:27/08/2025

არასამეწარმეო (არაკომერციული) იურიდიული პირის „ბავშვთა ინკლუზიური ცენტრი“-ს მიერ 2025 წლის I-II კვარტალში გაწეული მუშაობის შესახებ

წყალტუბოს მუნიციპალიტეტის საკრებულომ მოისმინა ანგარიში, ა(ა)იპ „ბავშვთა ინკლუზიური ცენტრი“-ს მიერ 2025 წლის I-II კვარტალში გაწეული მუშაობის შესახებ. აღინიშნა, რომ წარმოდგენილი ანგარიში შესაბამისობაშია კანონმდებლობასთან და სათანადო დებულებით გათვალისწინებულ მოთხოვნებთან.

ზემოთ აღნიშნულიდან გამომდინარე, საქართველოს ორგანული კანონის „ადგილობრივი თვითმმართველობის კოდექსის~ 61-ე მუხლის მე-2 ნაწილისა და „წყალტუბოს მუნიციპალიტეტის საკრებულოს რეგლამენტის დამტკიცების შესახებ“ წყალტუბოს მუნიციპალიტეტის საკრებულოს 2017 წლის 28 ნოემბრის N36 დადგენილებით დამტკიცებული რეგლამენტის 25-ე მუხლის პირველი პუნქტის „ვ“ ქვეპუნქტის შესაბამისად:

1. დამტკიცდეს ა(ა)იპ „ბავშვთა ინკლუზიური ცენტრი“-ს ანგარიში 2025 წლის I-II კვარტალში გაწეული მუშაობის შესახებ.
2. ა(ა)იპ „ბავშვთა ინკლუზიური ცენტრი“-ს მიერ 2025 წლის I-II გაწეული მუშაობა შეფასდეს დადებითად.
3. განკარგულება ძალაში შევიდეს გამოქვეყნებისთანავე.
4. განკარგულება შეიძლება გასაჩივრდეს კანონით დადგენილი წესით, მისი გაცნობიდან ერთი თვის ვადაში, ქუთაისის საქალაქო სასამართლოში (მის: ქ. ქუთაისი, კუპრადის ქ. №11).

თეიმურაზი ჭეიშვილი

წყალტუბოს მუნიციპალიტეტის საკრებულო-
საკრებულოს თავმჯდომარე

გამოყენებულია კვალიფიციური
ელექტრონული ხელმოწერა/
ელექტრონული შტამპი



ანგარიში

არასამეწარმეო (არაკომერციული) იურიდიული პირის „ბავშვთა ინკლუზიური ცენტრი“-ს მიერ 2025 წლის I-II კვარტალში გაწეული მუშაობის შესახებ

ა(ა) იპ „ბავშვთა ინკლუზიური ცენტრი“ დაარსდა 2015 წელს. ცენტრი სრულად ფინანსდება წყალტუბოს მუნიციპალიტეტის მერიის მიერ.

ა(ა) იპ „ბავშვთა ინკლუზიური ცენტრის“ ხარჯთაღრიცხვა 2025 წლის პირველ და მეორე კვარტალში შეადგენს 332300 ლარს. პირველ და მეორე კვარტალში ათვისებულია 134388,90 ლარი,

ცენტრი ახორციელებს შშმ პირთა ზრუნვის პროგრამას. ჯანდაცვის სამინისტროს დადგენილების რეაბილიტაცია/აბილიტაციის პროგრამას, ინტეგრაციას, ინკლუზიურ განათლებას.

ცენტრში ირიცხება წყალტუბოში და წყალტუბოდან 20 კმ -ის რადიუსში მცხოვრები ბენეფიციარები. ბენეფიციარებს ემსახურება ცენტრის კუთვნილი მიკროავტობუსი.

ბენეფიციარები უზრუნველყოფილნი არიან ორჯერადი კვებით. ორივე კვება სამ კომპონენტია. ხორცის და თევზის პროდუქტების შემოტანა ხდება კვირაში 5-ჯერ, ყოველდღიურად.

თითოეულ ბავშვზე გათვლილია კალორაჟი. მიღებული საკვების ნიმუშები 24 საათის განმავლობაში ინახება მაცივარში (უსაფრთხოების თვალსაზრისით).

ცენტრი აღჭურვილია თანამედროვე ტექნიკით, მუსიკალური ინსტრუმენტით, კომპიუტერული ტექნიკით, პროექტორით, ლამინირების აპარატით, რომლის საშუალებითაც ხდება ბენეფიციარების ჩართვა კულტურულ ღონისძიებებში. ცენტრში ფუნქციონირებს ვიდეოთვალი.

ა(ა) იპ „ბავშვთა ინკლუზიური ცენტრში“ 2025 წლის პირველ და მეორე კვარტალში ირიცხებოდა 17 ბენეფიციარი, შემდეგი დაავადებებით:

1. დაუნის სინდრომი
2. აუტისტური სპექტრი
3. ცერებრალური დამბლა
4. გონებრივი შეზღუდვა

ცენტრში დასაქმებულია 18 ადამიანი.

2025 წლის პირველ და მეორე კვარტალში "ბავშვთა ინკლუზიურ ცენტრში" ჩატარდა შემდეგი ღონისძიებები:

1. 3 მარტი - დედის დღე. ბავშვებმა თავისი ხელით შექმნილი საჩუქრებით მიულოცეს დედებს დედის დღე.

2. 8 მარტი - ქალთა საერთაშორისო დღე. ბენეფიციარებმა სიმღერებით და ლექსებით მიულოცეს პედაგოგებს ქალთა საერთაშორისო დღე.

3. 21 მარტი- დაუნის სინდრომის საერთაშორისო დღე.

4. 2 აპრილი - აუტიზმის საერთაშორისო დღე;

5. 9 აპრილი - ბენეფიციარებმა ყვავილებით შეამკეს 9 აპრილის მემორიალი;

6. 20 აპრილი - აღდგომის ბრწყინვალე დღესასწაული. წყალტუბოს მუნიციპალიტეტის მერიამ და ბავშვთა ინკლუზიურმა ცენტრმა ბენეფიციარებს საჩუქრები გადასცეს.

7. 9 მაისი- ფაშიზზე გამარჯვების დღე. ყვავილებით შევამკეთ გვიშტიბის ძმათა სასაფლაოზე დაკრძალული გმირთა საფლავები;

8. 17 მაისს - ოჯახის სიწმინდის დღის აღნიშვნა;

9.26 მაისი- საქართველოს დამოუკიდებლობის დღე.

10. 1 ივნისი - ბავშვთა დაცვის საერთაშორისო დღე. მოვაწყვეთ ბენეფიციართა ნამუშევრების გამოფენა და ბენეფიციარებმა მონაწილეობა მიიღეს ასფალტზე ხატვაში.

მუნიციპალიტეტის მერის მოადგილემ ბატონმა გია კვასტიანმა პერსონალური საჩუქარი გადასცა ბენეფიციარ ავთანდილ ჯიმშელიეშვილს, რომელსაც 18 წელი შეუსრულდა, ხოლო ცენტრის ბავშვებს ტკბილეულით, ტორტით და ნატურალური წვენი გაუმასპინძლდა.

ცენტრის ბენეფიციარები ჩართული არიან სხვადასხვა აქტივობებში, სპორტულ ღონისძიებებში, მათი შესაძლებლობებიდან გამომდინარე.

განსაკუთრებული ყურადღება ეთმობა ქცევის მართვას, ყოფითი , პროფესიული უნარების გამომუშავებას.

ცენტრის სპეციალისტები ყოველ ახალ აქტივობას მშობლებთან შეთანხმებით ავითარებენ. თითოეული აქტივობის განვითარება ხანგრძლივ პროცესს მოიცავს. შედეგის მიღწევას ზოგჯერ 1 წელი და მეტი ჰქირდება.

ცენტრის ფსიქოლოგი, სპეც.პედაგოგი, მეტყველების სპეციალისტი, ხელოვნების, პროფესიული განვითარების სპეციალისტები სოციალურ მუშაკთან ერთად, მოკლევადიან და გრძელვადიან მიზნების შესრულებას ერთმანეთთან შეთანხმებით ახორციელებენ.

დღის ცენტრი ახორციელებს პროგრამას: "შშმ პირთა მქონე ბავშვთა დახმარება" და მათი საზოგადოებაში ინტეგრაცია ,ხდება მომზადება მათი ინკლუზიური სწავლებისათვის, რაც გულისხმობს სასიცოცხლო და წინარე აკადემიური უნარ-ჩვევების განვითარებას და სტიმულირებას.

დღის ცენტრი ითვალისწინებს რეაბილიტაცია/აბილიტაციის გეგმას, სხვადასხვა თერაპიულ-შრომითი და სოციალურ აქტივობებს, რომელიც ხელს შეუწყობს ბენეფიციარების სოციალურ-ადაპტაციური უნარების განვითარებას.

ცენტრის პედაგოგები განსაკუთრებული ყურადღებით აკვირდებიან თითოეული ბენეფიციარის შესაძლებლობებს, მოტორული აქტივობების განვითარებას და ლოგიკური ქცევების მიმართულებას.

სენსორული წიგნები, ბურთები გვეხმარება ლოგიკური აზროვნების განვითარებაში, ხელოვნურად ვახდენთ იმ შეგრძნებების მიღებას, რასაც ბუნებრივად არიან მოკლებულნი.

ბავშვთა ინკლუზიურ ცენტრში ფუნქციონირებს მშობელთა ფსიქოლოგიური დახმარების ცენტრი. მშობლებთან ხშირი კომუნიკაცია საშუალებას გვაძლევს სწორად მოვახდინოთ მოკლევადიანი და გრძელვადიანი მიზნების განსაზღვრა, რაც სამომავლოდ აისახება თითოეული ბენეფიციარის განვითარებაზე.

მულტიდისციპლინარულ გუნდთან ერთად შემუშავებულია თითოეულ ბენეფიციართან ინდივიდუალური მუშაობის სამუშაო გეგმა, რომელიც შედგენილია მათი გონებრივი შესაძლებლობების მიხედვით.

მუშაობა მიმდინარეობს შემდეგი უნარების განვითარების მიმართულებით:

- 1.აკადემიური უნარები
- 2.მეტყველების უნარები
3. ქცევა.
- 4.ფუნქციური უნარები (ყოფითი უნარ-ჩვევები)
- 5.მსხვილი და ნატიფი მოტორული უნარები
- 6.კოგნიტური უნარები
- 7.ემოციურ- სოციალური სფერო.

ორგანიზაციას უყურადღებოდ არ ტოვებენ კეთილი ადამიანები, „ბავშვთა ინკლუზიურ ცენტრს“ უსასყიდლოდ ემსახურებიან:

- 1.შპს „ჰიგია“ - ხელ-ი ც. გურეშიძე
- 2.შპს „ერი“ - ხელ-ი რ. კუხალაშვილი
3. შპს “ფლაინეტი“ ხელ-ი- გ. ყუფარაძე

მადლობა მინდა გადავუხადო ყველა იმ ადამიანებს, რომლებიც ზრუნავენ ბენეფიციარების მდგომარეობის გაუმჯობესებასა და მათი კეთილდღეობისათვის.